



REPUBLIKA E KOSOVËS - REPUBLIKA KOSOVO	
KOMUNA E VUSHTRRIË - OPŠTINA VUÇITRAN	
01 Nr. / Br	118 / 22
Nr. i fq. / Br. sh	- 23 -
Data: / Datum	26.05.2022
VUSHTRRIË - VUÇITRAN	



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL**  
**NGA MBLEDHJA E III E RREGULLT E KUVENDIT TË KOMUNËS SË**  
**VUSHTRRIË, MBAJTUR MË 28 PRILL 2022**

*Mbledhja është mbajtur në sallën e Kuvendit të Komunës së Vushtrrisë, duke filluar në orën 10:15. Në këtë mbledhje ishin të pranishëm anëtarët e Kuvendit të Komunës së Vushtrrisë:*

Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakete Dushi, Fatmire Cecelia, Faton Hyseni, Galip Audiu, Gresa Muli, Gentiana Rama, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifi, Mensur Kasumi, Mensur Kastrati, Mentor Hasani, Nasuf Aliu, Nurie Halili, Nurten Çerkezi-Gjyshinca, Refik Maloku, Shkelzen Xhaferi, Spasoje Stefanoviq, Sylejman Mehulli, Ymer Haradinaj dhe Zojë Hajrizi.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 35 anëtarë të kuvendit, kuorum ky i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idriçi, nënkryetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

**Ilmi Azemi, anëtar i kuvendit**-deklaroi se është i detyruar të ngritë një çështje që si siç e ka cilësuar deputetja Melihatet Basholli e natyrës sensitive, e për të cilën ka menduar se sot ajo nuk do të jetë e ulur në karrigen e kryesueses së kuvendit pasi që ajo është dashur të jap dorëheqje të përvokueshme. Pasi që kjo e fundit ka krijuar një skandal të madh duke keqpërdorur pozitën zyrtare, duke tejkaluar kompetencat dhe obligimet ligjore dhe përsërit se po ishte në vendin e saj do të jepte dorëheqje të përvokueshme nga pozita e kryesuese pasi që dorëheqja duhet kuptuar si akt moral për skandale për gabime për mos përmbushje të objektivave për mos aftësi e shumë arsye tjera. Tutje shtoi se deputetja Basholli-Latifi duke keqpërdor detyrën zyrtare dhe pa dijeni, pa autorizim dhe pa vendim të kuvendit të komunës, ka dërguar shkresa zyrtare në emër të kuvendit të komunës dhe duke u thirrur në emër të 35 anëtarëve të kuvendit, iu është drejtuar organeve gjegjëse si Agjencisë Kundërkorrupsionit, ku ka kërkuar opinion ligjo lidhur me pronat komunale të dhëna në shfrytëzim afatgjatë në Parkun Industrial në Lumadh. Shkresa të tilla ka dërguar edhe nëpër ministri, krime ekonomike etj. Mandej e njëjta kishte pranuar një opinion ligjor nga Agjencioni Kundërkorrupsion dhe të njëjtin e ka mbajtur të fshehur nga anëtarët e kuvendit të cilin opinion siç edhe e din asnjëri nga deputetët zyrtarisht nuk e kemi pranuar. Për këtë opinion ai është njoftuar nga media portalet elektronike, në këtë rast edhe kryetari dhe nënkryetari i komunës kanë

pasur bashkëpunim-bashkëkryerje, të njëjtin opinion të cilën është dashur tu dërgojnë deputetëve ia kanë plasuar portalit veriu.info që pronarin e këtij medium e kanë mik. Pasi ai ka kuptuar për ekzistencën e këtij opinion ligjor përmes mediave, ai ka kërkuar takim zyrtar me kryesuesen e kuvendit e njëjta në takimin e parë ka premtuar se komunikimet zyrtare me Agjencinë Kundërkorrupsion do t'ia dërgoj në kopje fizike por më pas e ka ndërruar qëndrimin dhe edhe pse tri herë ka bërë kërkesa ende nuk i ka marrë komunikimet zyrtare që i ka pasur deputetja Melihate Basholli me Agjencioni Kundërkorrupsion. Kjo fshehje edhe për kundër obligimit ligjor, e bënë akoma më të dyshimit se ka pasur servime të cekur dhe falsifikime, krejt kjo ka bërë që të bie pre edhe Agjencia Kundërkorrupsion me opinionin e saj ligjor. Të nderuar anëtarë të kuvendit ai akoma më tutej kërkon që ti dërgohen në kopje fizike të gjitha komunikimet me organet e sipër përmendura, dhe se akoma ka hapësirë që të përmirësohemi, kemi nevojë ta ngritim cilësinë e punës. Mirëpo forma e komunikimit, forma e keqpërdorimit të detyrës, forma e falsifikimit dhe e plasimit të lajmit, fshehja e informatës janë të sanksionuara dhe janë të dënueshme. Ai nuk mund të pranoj më tutej që deputetja Basholli-Latifi të jetë kryesuese e kuvendit, pasi që ka humbur kredibilitetin e të qenurit kryesuese e kuvendit andaj pret që ajo të reflektoj konform shkeljeve ligjore, sepse ai akoma nuk e ka dërguar rastin në prokurori sepse ka dashur që të ruhet institucioni e kryesuese së kuvendit. Nëse edhe më tutej vazhdohet me avazin e vjetër ai shumë shpejt do të deponoj kallëzim penal për shkeljet ligjore keqpërdorim të detyrës zyrtare, tejkalim të kompetencave dhe prezantim të rrem e falsifikim të dokumentit apo komunikimeve zyrtare. Pastaj sqaroi se si anëtar i kuvendit ka qasje të papengueshme në dokumente, por kryesuesja e ka cilësuar se të klasifikuar komunikimet zyrtare të saj me institucionet e përmendura dhe këtë e ka bërë vet ajo. Konform Ligjit për Qasje në Dokumentet Zyrtare, ka dërguar shkresë tjetër të argumentuar, që nuk konsiderohet e mbrojtur dhe se nuk ka kompetencë dhe as autorizim, kryetari dhe nënkryetari i komunës dhe kryesuesja e kuvendit me i klasifikuar informatat dhe krejt kjo fshehje e opinionit dhe komunikimeve po bëhet me qëllimin e vetëm sepse e kanë qitë në lajthim institucionin të cilit i referohet. Andaj edhe më tutje kërkoi që ti dërgohen shkresat komunikimet zyrtare dhe atë konform Ligjit për Vetëqeverisje Lokale, Statutin e Komunës dhe rregulloren e punës së Kuvendit dhe ligjeve tjera në fuqi. Ai kërkoi nga kryetari dhe nënkryetari i komunës që mos të sillen në mënyrë arbitrare duke ndikuar tek kryesuesja e kuvendit. Në fund bëri të ditur se kur ka kërkuar nga kryetari i komunës shkresat dhe komunikimin zyrtar me ministrisë e linjës, përgjigja e tij ka qenë se nuk i përzihet legjislativit apo kuvendit të komunës, dhe kjo për mendimin e tij është jo serioze dhe turpshme.

**Behar Duraku, anëtar i kuvendit-** parashtrij disa kërkesa për fshatrat e artakollit: Fshati Stroc asfaltimi rrugës Ahmet Ademi në gjatësi 200 metra, Asfaltimi rrugës Maliq Hasani 200 metra, kanalizimi në rrugën 7 Dëshmorët gjatësi 700 metra, trotuari nga shkolla e fshatit në gjatësi 1 km. Në fshatin Beçuk shtrimi i rrugës Rexhep Murati me zhavor rrugë të rendit të VI gjatësi 600 metra. Fshati Zhilivodë Asfaltimi ose kubëzimi i segmentit Ahmet Krasniqi rrugica Fahri Krasniqi gjatësi 200 metra. Në fshatin Gllavatin Kanalizimi në rrugën Driton Islam Hasani në gjatësi 600 metra, shtrimi i rrugës Zenel Hajrizi 400 metra.

**Adnan Lahu, anëtar i kuvendit-**duke ju referuar diskutimit të anëtarit të kuvendit z.Ilmi Azemi, vlerësoi se edhe ai ka parë nëpër media qarkullimin e një dokumenti sa i përket vlerësimit të pronave në parkun Industrial në Lumadh, dhe për këtë kërkoi që nëse ka vlerësimi dhe komunikime të tilla atë të dërgohen anëtarëve të kuvendit. Po ashtu kërkoi që në rend të ditës të futet procesverbali i mbledhjes së jashtëzakonshme të kuvendit.

**Bekim Zabërgja, anëtar i kuvendit-** pasi përshëndeti të pranishmit, tha se sot do ta ngriti një çështje jashtëzakonisht të rëndësishme, përveç se e rëndësishme, edhe e domosdoshme. Çështja ka

të bëjë me Parkun Industrial në Zonën Ekonomike, në Lumadh, zonë në të cilën Komunës së Vushtrrisë i është sjellë investim kapital prej 1.400.000 € nga MTI-ja, me qëllim nxitjen dhe inkurajimin e investimeve, duke i ofruar investitorëve infrastrukturë të përshtatshme për zhvillimin e veprimtarive afariste, nxitjen e investimeve private në veprimtaritë prodhuese, hapjen e vendeve të reja të punës dhe krijimin e të ardhurave, qasje më të lehtë në transport, furnizim me energji, ujë dhe shërbime në mbështetje të biznesit, konform Ligjit për Vetëqeverisje Lokale Nr. 03/L-040, Ligjit për Dhënien në Shfrytëzim të Pronës së Paluajtshme të Komunës Nr. 06/L-092, Ligjit Për Zonat Ekonomike Nr. 04/L-159, Udhëzimit Administrativ (MTI) Nr. 03/2014 dhe Rregullores (QRK) Nr. 09/2020. Fatkeqësisht, në vend se Zona Ekonomike të jetë funksionale me qëllim zbatimin e kriteve dhe arsyeshmërisë, Zona në fjalë i është nënshtruar një procesi të degradimit të plotë nga ana e pushtetit lokal të kaluar. Degradimi ka filluar nga Komisioni për Vlerësimin e Ofertave dhe për Zbatim të Procedurave, i formuar me Vendim të Kuvendit të Komunës së Vushtrrisë të datës 26.11.2020, dhe vendim për ndryshim dhe plotësim të Vendimit të datës 30.12.2020, duke vazhduar me aprovimin e vendimit NR. 81/21 e Kuvendit Komunal – Për Dhënien në Shfrytëzim Afatgjatë të Pronës së Paluajtshme të Komunës, në veçanti nga ana e dy ish-anëtarëve të Kuvendit në Mbledhjen e Jashtëzakonshme të mbajtur më 16.04.2021 dhe duke përfunduar me ish-Kryetarin e Komunës, z. Xhafer Tahiri. Bazuar në këto vendime, Komisioni Vlerësues ka bërë shkelje të Ligjit Për Zonat Ekonomike Nr. 04/L-159 dhe të Udhëzimit Administrativ (MTI) Nr. 03/2014, **neni 5** Lokacioni i zonës ekonomike, **pika 1.3**, i cili shprehimisht flet për madhësinë e Parcelave. Në këtë rast i referohem Vendimit NR. 81/21, të datës 16.04.2021, me të cilin vendim u është lejuar dhënia në shfrytëzim afatgjatë të pronës së paluajtshme, duke mos u cekur në mënyrë shprehimore Numri dhe Madhësia e Parcelave për asnjërin biznes privat, përfitues të pronës së paluajtshme të zonës, por vetëm emri i kompanive përfituese. Më lejoni t' i paraqes në mënyrë kuantitative (sasiore) madhësinë e parcelave për secilin subjekt veç e veç: Me këtë rast i propozoj Kuvendit Komunal që në mbledhjen e radhës të futet në rend të ditës: Shfuqizimi i vendimit të Kuvendit Komunal Nr. 81/21 të datës 16.04.2021, anulimin e të gjitha kontratave të kundërligjshme si dhe rikthimin e gjendjes së mëparshme të pronave të paluajtshme në Zonën Ekonomike - Parku Industrial në Lumadh.

**Sylejman Mehulli, anëtar i kuvendit**-pasi përshëndeti të pranishmit, ngriti shqetësimin e grupit të tij kuvendar për gjuhën e ashpër politike-gjuhë e rënd akuzuese për keqpërdorim të detyrave zyrtare, gjuhë kjo e cila po përdoret në kuvend, për projektin e quajtur si Zona Ekonomike në Fshatin Lumadh, i cili është propaganduar si projekti më i madh kapital në njëzet vitet e fundit në Komunën e Vushtrrisë. Për më tepër mungesa e transparencës dhe qasjes në dokumentet zyrtare është një qasje tejet jo demokratike për të cilën qeveria aktuale në fushat ishte zotuar se do ta zhbëj nga strukturat komunale. Përtej epilogut i cili nuk dihet e që vendimin përfundimtar e marrin institucionet e drejtësisë, e për çka ata nuk duan as që të interferojnë në të, vlerësoi se e drejta e një anëtari të kuvendit për të pasur qasje në dokumentet zyrtare është e drejtë ligjore e patjetërsueshme e cila nuk mund të mohohet. Për grupin e tij kuvendar është tejet shqetësuese kur një kuvendari nuk jepet qasje në dokumentet që kanë të bëjnë me komunën me interesin qytetar me kuvendin e komunës apo direkt me personi që është në interes. Nëse një asamblisti i mohohet kjo e drejtë për qasje në dokumente zyrtare atëherë çfarë mund të presin qytetar tjerë të thjesht. Me qëllim që të jemi transparent është mirë që anëtarët e kuvendit të njoftohen zyrtarisht me të gjitha vlerësimet që bëhen nga institucionet gjegjëse të drejtësi e në rastin konkret edhe për projektin e zonës ekonomike duhet të ketë informim kuvendi dhe jo anëtarët e kuvendit të njoftohen përmes mediave. Në fund kërkoj nga kryesuesja e kuvendit që të ketë parasysh obligimin ligjor lidhur me

informimin e drejt dhe transparent sa i përket punës së kuvendit dhe vlerësimet nga institucionet tjera që i referohen punës së kuvendit të komunës.

**Agron Përçuku, anëtar i kuvendit**-tha se kur të vjen vendimi nga ana e ministrisë së linjës dhe organeve tjera të drejtësisë lidhur me projektin e zonës ekonomike, kërkoj që në kuvend të sillën të gjitha shkresat e dosjes që janë pjesë e këtij procesi. Në këtë kontekst vlerësoi se janë disa komisione ndërministrorë që merren me vlerësimin e ligjshmërisë së akteve të komunave që prekin fushat e kompetencave të dy apo më shumë ministrive i themeluar nga MAPL-ja, andaj të gjitha shkresat e dërguar nga ministritë e linjës, bashkë me opinionin e Agjencisë Antikorrupsion të sillen para kuvendit dhe për këto të diskutohet, pasi që ka indikacione se disa anëtarë të kuvendit kanë pasur konflikt të interesit sa i përket votimit në kuvend por edhe në komision për parkun industrial në Lumadh. Prandaj me qëllim të kthjellimit të kësaj çështje është mirë që ato shkesa të vijnë në kuvend dhe kjo çështje të përmbyllet.

**Agim Bregaj, anëtar i kuvendit**-ngriti shqetësimin e banorëve të fshatit Stanofc i Epërm, lidhur me bllokimin e kanalizimit në disa lagje. Pastaj lidhur me projektin Zona Ekonomike Lumadh, tha se ai projekt është dërguar për hetim në prokurori dhe duhet të pritet vendimi i organeve të specializuara për këtë çështje.

**Ilmi Azemi, anëtar i kuvendit**-tha se lidhur me projektin Zona Ekonomike në Lumadh, është i pajtimit që të shkohet në proceduar të rregullta ligjore të vlerësimit, por jo duke u bazuar në elemente të shantazhit, të fshehjes kamuflimit dhe dhënies së informatave të falsifikuara, në mënyrë tinëzare dhe informata të paqëndrueshme në ligj. Pastaj meqë jemi duke diskutuar për ligjshmërinë e pronave dhe vlerësimin e ligjshmërisë, theksoj se komisioni për dhënien e pronës në shfrytëzim në Zonën Ekonomike ka bërë një punë të jashtëzakonshme dhe është investimi më i madh në pesëdhjetë vitet e fundit në Komunën e Vushtrrisë, për të cilin edhe kjo qeveri duhet të japë maksimumin dhe ti gëzohet këtij projekti. Sidoqoftë kjo qeveri e ka filluar ndryshe në qasje në pengim të zhvillimit të bizneseve në pengim të posedimit të pronave konform ligjeve dhe kontratave dhe për këtë ai është i dëshpëruar dhe për këtë ai ka një propozim të shikohet rend me rend secila pronë se si janë dhënë në shfrytëzim. Mandej pyeti anëtarët e kuvendit se a kanë dëgjuar ndonjëherë për <banesat e varreve> banesat tek stacioni i autobusëve, ku ajo pronë është ndërruar me pronën komunale që ka qenë tek varrezat e martirëve është ndërruar me varre dhe kjo ka ndodhur kur ka qeverisur nomenklatura aktuale komunale. Andaj si është e mundur që të ndodh një ndërrim i tillë ku prona me ju dhënë kinse Bashkësisë Islame edhe të ndërrohet me varre në qytet dhe është deklaruar se proporcioni ka qenë 3/1 i këmbimit, por nëse është kështu atëherë nëse strukturat aktuale nëse pranojnë me i leshu shtëpitë e tyre për ndërrim me varre atëherë le të bëhet proporcioni 100 me 1 i ndërrimit dhe për këtë le të vjen raporti bashkërisht. Për këtë le të verifikohet se kush ka përfituar në këtë pronë, kush ka shitur, kush ka blerë kush merr qira të majme nga ajo pronë e të ngjashme dhe për këtë le të ngritet një komision dhe të bëj verifikimin një nga një të dhënies së pronës komunale në shfrytëzim, por e vërteta është se sponsorizues i këtij ndërrim ka qenë kryetari aktual i cili ka qenë në atë kohë kryesues i kuvendit, kryesuesja aktuale ka qenë deputetet e kuvendit në atë kohë. Andaj nëse mendohet të udhëhiqë në këto formë si ka filluar qeveria aktuale, atëherë ai nuk është me të, nëse mendohet të punohet për interesa të ngushta duke i prioritetizuar vetëm dy biznese ndërtimore, duke monopolizuar e duke ngulfatur biznesin, duke e ngushtuar rrethin në dy apo tre persona për ta shndërruar komunën në pronë private atëherë atë do ta kenë kundër.

**Adnan Lahu, anëtar i kuvendit**-vlerësoi se nëse qeveria aktuale nuk dëshiron ta politizoj çështjen e zonës ekonomike, atëherë ajo duhet ta sjellë në kuvend këtë çështje për diskutim e shqyrtim në një seancë të veçantë, për ta përmbyllur këtë temë dhe jo të diskutohet për gjatë muaj rresht në

kuvend duke tentuar që çështja të politizohet e keqpërdoret. Mandej shtoi se ligjshmërinë e vendimeve të kuvendit e bënë MAPL-ja, dhe për vendimin në fjalë kjo e fundit ka dhënë përgjigje se vendimi në fjalë është në harmoni të plotë me legjislacionin në fuqi.

**Sylejman Mehulli, anëtar i kuvendit**-propozoi që në kuadër të rendit të ditës të futet një pikë që lidhet me themelimin e një komisioni kuvendar për verifikimin e të gjitha pronave komunale, nga kush shfrytëzohen, cilat janë ato prona të uzurpuara, ku janë pronat e lira të komunës, sepse kjo është kërkesë e kamotshme e grupit kuvendar të LVV-së që të kemi identifikim të pronë komunale. Pastaj shtoi se komisioni i quajtur sipas tij hetimor, do të jepte një përgjigje do të hartonte një dosje për kuvendin që lidhet me pronën komunale.

**Ferit Idrizi, kryetar i komunës**-pasi përshëndeti të pranishmit, në mënyrë të përmbledhur u përgjigj në temat e ngritura nga anëtarët e kuvendit ku deklaroi se: kërkesat e parashtruara nga anëtari i kuvendit z.Behar Duraku, do të adresohen në Drejtorinë e Shërbimeve Publike për trajtim dhe shqyrtim dhe sipas mundësisë do të realizohen. Pastaj duke ju referuar diskutimeve të anëtarëve të kuvendit z.Azemi dhe z.Lahu, të cilëve po ju korrespondojnë mendimet e tyre. Por çështja është se ai ka ardhur në qeverisje si kryetar komune qe pesë muaj dhe fajet nuk qëndrojnë tek ai sa i përket zonës ekonomike. Mandej vlerësoi se me gjithë modestin që ka, njoftoi se fajet dihet se ku janë, sepse lëshimet dhe shkeljet kanë ndodhur nga qeverisja e kaluar. Tutje shtoi se komplet shkresat e dosjes lidhur me projektin Zona Ekonomike në Lumadh, ia janë dorëzuar zyrës ligjore të komunës për opinion ligjor, dhe kjo e fundit ka gjetur se ka pasur shkelje sa i përket kontratave, sepse këto kontrata janë lidhur në kundërshtim me Ligjin për Dhënien në Shfrytëzim të Pronës Komunale, sepse këto kontrata janë uniforme dhe nuk janë hartuar nga ekspertet e komunës. Në fushatën paraelektorale i kishte ngritur temat për shkeljet që kanë ndodhur sa i përket këtij projekti, dhe të njëjtat i ka dorëzuar autoriteteve përgjegjëse gjyqësore. Agjencia Kundër-Korrupsionit e ka vlerësuar konfliktin e interesit gjatë procesit të vendimmarrjes, dhe mos të bëhet temë qasje në dokumentet zyrtare sepse ky proces është tërësisht transparent dhe krejt do të kenë qasje. Ai njoftoi se anëtari i kuvendit Ilmi Azemi, ka tentuar që të ndikoj tek ai për ta bindur kryesuesen e kuvendit për ti dërguar emialat e komunikimit gjë e cila konsideron se nuk është në rregull që të publikohen dhe të dorëzohen. Lidhur me këtë çështje ai nuk dëshiron të implikohet sepse pushtet mes ekzekutivit dhe legjislativit janë të ndara. Sa i përket varrezave, që u apostrofuan, sqaroi se komuna ka obligim të siguroj lokacion për varreza, dhe ajo se çfarë ka ndodhur është se martirë të vrarët dhe të masakruarit nga lufta e fundit, janë varrosur në një parcelë që është pronë e Bashkësisë Islame, dhe kjo e fundit ka kërkuar kompensim dhe se në këtë proces çdo gjë ka shkuar përmes komisioneve të pavarura dhe se çdo gjë kishte qenë sipas ligjit, për këtë ekzistojnë dokumentet. Gjithçka që ka dikush e që e implikon atë në ndonjë proces të dyshimë kërkoi që ti thuhet këtu në kuvend, por kushdo që mendon se ka votuar atë për të përfituar ndonjë interes personal, ai nuk lejon dhe e ka bërë të qartë e edhe në fushatë se nuk lëshohet në kësi lloj raportesh, dhe askujt nuk i ka premtuar ndonjë gjë dhe se askënd nuk e ka gënjyer. Pastaj ceku se e përkrah propozimin që të themelohet komision për verifikimin e pronave dhe të sqarohet çdo gjë e cila është paqartë. As projektin e apostrofuar dhe asnjë projekt tjetër nuk e ka përdor dhe nuk do ta përdor politikisht, por realisht dhe sinqerisht deklaroi se është 99 herë është i lidhur me qytetarin ndërsa 1 herë me partinë që e ka kandiduar për kryetar komune. Në fund tha se ai nuk shantazhohet dhe nuk i nënshtrohet shantazheve për votimin e pikave në kuvend, sepse krejt pikat që i sjell para kuvendit janë për qytetarët dhe jo për interesat e dikujt tjetër andaj mbetet në vullnetin e anëtarëve të kuvendit se ai përkrahin apo jo, por e vërteta dhe zotimi i tij është se do të ketë zero tolerancë në keqpërdorimin e detyrës zyrtare dhe parasë publike.

**Ilmi Azemi, anëtar i kuvendit**-tha se kërkesat që ai i ka parashtruar duhet marr me qetësi, nuk ka nevojë që kryetari i komunës të tensionohet. Pastaj shtoi se është shqetësuese qasja e trajtimit të akteve të plotfuqishme juridike që janë aprovuar nga institucionet gjegjëse. Mandej qeveria duhet pasur parasysh se opinionin ligjor nuk është vendim. Ky opinion ligjor është i nxjerr nga Agjencia Kundërkorrupsion është marr në lajthim dhe bazuar mbi faktet të falsifikuara të janë dal nga komuna, dhe për këtë nga agjencia do të merret një vendim që ai opinion do të hedhet poshtë.

**Faton Hyseni, anëtar i kuvendit**-tha se vendimi për përkrahje financiare të klubit të futbollit duhet të plotësohet edhe me përkrahjen e disa klubeve tjera sportive, kjo për faktin se në gjitha qeveritë e kaluara ka pasur kësi lloj gabime duke i mbështetur në mënyrë selektive disa klube sportive dhe disa OJQ dhe duke pamundësuar që disa klube tjera të zhvillojnë veprimtarinë e tyre dhe kjo ka bërë disa klube të shuhen. Konkretisht klubi “Shqiponja” dhe klubi i shahut “Shqiponja” që ishin klube me renome jo vetëm nacionale por edhe ndërkombëtare dy herë përfaqësim i Kosovës në ligën e kampionëve në Bullgari dhe Slloveni, pra janë këto klube në lokalitetin ku ai jeton, ndërsa ka edhe plot klube tjera që janë shuar. Në bazë të vendimit të kuvendit Nr.210/21 i datës 05.10.2021 shuma totale e mjeteve financiare për përkrahje është 200,000.00 €, andaj në këtë përkrahje duhet të futen të gjitha klubet sportive dhe shoqata për përjashtim, nëse mendohet që ky vendim të ndryshohet dhe plotësohet. Propozoi që këto mjetet të merren nga Drejtoria e Urbanizimit dhe Mbrojtjes së Mjedisit në vlerën prej 190,000.00 € nga të hyrat e bartura

**Ali Januzi, anëtar i kuvendit**-tha se e përkrah idenë që të themelohet një komision për verifikimin e pronave komunale , ashtu që të hedhim dritë lidhur me prona që i posedon komuna. Pastaj ka shumë prona komunale që janë uzurpuar nga keqberës, dhe këto prona duhet të lirohen sa më parë që të jetë e mundur. Kadastra e komunës duhet të ndërmarr veprime për lirimin e pronë komunale nga uzurpatorët e pandërgjegjshëm.

**Albanez Tahiraj, drejtor i DGJKP**-njoftoi kuvendin se për herë të parë nënë udhëheqjen e kësaj qeverie, është publikuar lista e të gjitha pronave të komunës në faqen zyrtare të komunës, aty kanë qasje të gjithë se mund të analizohen dhe kontrollohen pronat e komunës, ashtu siç që moti e ka kërkuar ligji po që tani ka ardhur në shprehje zbatimi i ligjit.

**Adnan Lahu, anëtar i kuvendit**-tha se është bërë e mundur që kjo lista me të gjitha pronat e komunës të publikohet, kjo është një lajm i mirë për komunën. Por sipas tij një gjë e tillë është e pamundur, pasi që komuna për njëzet (20) vite nuk ka mundur të bëjë publikimin e kësaj liste, sepse ka shumë prona dhe evidentimi ti të gjitha rrugëve në qytet dhe fshatra, mandej pronat e uzurpuara të cilat në kopje fizike do të jetë vështirë të paraqiten, e lëre më të përshkruhen në një data-bazë elektronike. Nëse një gjë e tillë është realizuar ai e përgëzon Drejtorin e Drejtorisë së Pronës, por ai duhet ta prezantoj këtë gjë para kuvendit.

**Sylejman Mehulli, anëtar i kuvendit**-tha se është mirë të formohet komisioni për verifikim të pronës, ashtu që të evidencohet se kush ka uzurpuar pronë komunale, kush ka keqpërdorur, kush shfrytëzon pronë pa paguar qira e të ngjashme. Kjo duhet të sepse është obligim ligjor dhe komuna ka mungesë të pronës. Propozoi që të futet në rend të ditës formimi i këtij komisioni.

**Shpëtim Zhegrova, nënkryetar i komunës**-kërkoi që pjesë e këtij vendimit për formimin e komisionit të jetë edhe një pikë që flet për tejkalimin e shfrytëzimit të parcelave private tek ndërtimi i objekteve kolektive-banesore, sepse dihet fakti se kemi shfrytëzim të parcelave deri në 150 % dhe të dihet se për cilat prona bëhet fjalë.

**Albanez Tahiraj, drejtor i DGJKP**-duke ju referuar diskutimit të anëtarit të kuvendit z.Adnan Lahu, sqaroi se ai nuk mund ta bëjë të dukshmen dhe të prekshmen të padukshme dhe të paprekshme, për faktin se ajo çfarë deklaroi ai është dukshme dhe e prekshme dhe e njëjta e publikuar në faqen zyrtare të komunës e cila mund të printohet dhe se në atë listë mund të kenë



qasej të gjithë qytetaret e Komunës së Vushtrrisë. Për këtë mund të adresohen tek zyrtari i IT dhe mund të qasen në listën e pronave e cila është publikuar së fundmi në faqen zyrtare të komunës.

**Lorik Maxhuni, anëtar i kuvendit**-tha se duhet pasur memorie institucionale për faktin se është pikërisht Partia Demokratike e Kosovës në Vushtrrisë që më datën 06.10.2021 kishte thirrur një seancë të jashtëzakonshme ku ishte aprovuar vendimi për subvencionimin e klubeve sportive dhe shoqatat tjera në vlerën prej 200,000.00 €. Por tani kemi para vetës një propozim-vendim ku në pikën katër të tij thuhet shfuqizohet vendimi i kuvendit me Nr. protokollit 210/21 për subvencionim të klubeve, lidhur më këtë ai kërkoj që pika katër të hiqet nga ky propozim-vendim dhe i njëjti të shqyrtohet si pikë e tret e rendit të ditës.

**Ferit Idrizi, kryetar i komunës**-dha sqarime lidhur me propozim-vendimin për subvencionimin e klubit të futbollit “Vushtrria”, duke shtuar se të gjitha klubet e sportit, shoqata e luftës dhe shoqata tjera janë mbështetur financiarisht dhe të një njëjta do të mbështeten edhe në të ardhmen. Për këto subvencion janë shpallur thirrjet publike, dhe shtrohet pyeta se përse është veçuar klubi i futbollit sepse tani jemi në 100 vjetron e themelimit të klubit dhe të gjithë jemi zotuar se do ta mbështesim klubin brenda mundësive financiare që iu kemi si komunë. Prandaj është shumë emergjente ndarja e këtyre 50,000.00 €, ndërsa me vendimin që është sjellë për shfuqizim kanë qenë 22,500.000 €, ky vendim ishte marr në kohë fushate dhe ka pasur defekte sa i përket ligjshmërisë se këtij vendimi sepse mjetet janë marr nga kategoria e mallrave dhe shërbimeve dhe investimeve kapitale në mënyrë kundërligjore, prandaj ky vendim duhet të shfuqizohet

**Adnan Lahu, anëtar i kuvendit**-tha se duhet dhënë sqarimet për pikat dhe temat para së të aprovohet rendi i ditës, sepse është pikërisht PDK në Vushtrri e cila në kohë fushate dhe me pompozitet ka sjellë një propozim –vendim për subvencionimin e klubeve dhe shoqatave, dhe tani duke kamuflluar subvencionimin e klubit të futbollit ka sjell shfuqizimin e vendimit 210/21 i aprovuar vitin e kaluar, andaj kërkoj që kjo pikë për shfuqizimin e atij vendimi të hiqet nga propozim-vendimi. Ndërsa lidhur me përkrahjen e klubit të futbollit kërkoj që vlera e mjeteve të rritet në 100,000.00 € ashtu siç kishte premtuar kryetari i komunës dhe vetëm në këtë formë do ta përkrahin si grup kuvendar.

**Mek Selaci, anëtar i kuvendit**-tha se akoma jemi në diskutimet jashtë rendit të ditës ndërsa, tani po diskutohet për rendin e ditës për heqjen dhe shtimin e ndonjë pike në rend të ditës. Pastaj po thuhet se vendimi për subvencionim të klubeve dhe shoqatave me 200,000.00 € i aprovuar vitin e kaluar është aprovuar kundërligjshëm, por tani kur është sjell vendim për subvencionim të klubit të futbollit a është kundërligjshëm i procedura.

**Ferit Idrizi, kryetar i komunës**-sqaroi se dallim është në atë se vendim i cili është marr vitin e kaluar për subvencionimin e klubeve sportive dhe shoqata tjera, mjetet financiare janë marr nga kategoria mallra dhe shërbime dhe nga investimet kapitale, gjë e cila e bënë këtë vendim kundërligjor, ndërsa vendim aktual për përkrahjen financiare për klubin e futbollit kostoja e tij mbulohet nga subvencionet që është kategori ligjore e specifikuar për këto çështje.

**Ilmi Azemi, anëtar i kuvendit**-propozoi që pika 8 dhe 9 të rendit të ditës, të hiqen nga rendi i ditës pasi që këto pika nuk janë hartuar në koordinim me anëtarët e kuvendit dhe të njëjta nuk kanë kaluar në Komitetin për Politikë dhe Financa, gjë e cila është obligim ligjor që fillimisht pika ti shqyrtoj KPF-ja, nëse këto votohen sot ai do jetë kundër, por edhe nëse aprovohen të njëjta ai do ti ankimojë me shkresë zyrtare në MAPL. Pastaj vlerësoi se nuk ka qenë në praktikën e PDK-së, që të ushtoj preson tek anëtarët e kuvendit. Por se në rastin e kësaj seance ka ndodhur e kundërta që është ushtuar preson nga kryetari nënkryetari i komunës dhe kryetari i Degës së PDK-së në Vushtrri, ku janë thirru në telefon dhe iu është kërkuar që të votojnë pikat e rendit të ditës. Trysnia

presoni dhe shantazhi janë të ndaluar me ligj dhe trysni ka pasur kohëve të fundit ndaj deputetëve të PDK-së.

**Ferit Idrizi, kryetar i komunës**-duke aluduar tek diskutimi i anëtarit të kuvendit z.Iلمي Azemi, sqaroi se kush do që ka dijen për forma të ushtrimit të trysnisë dhe shantazhit është mirë ti bëjë të ditura para anëtarëve të kuvendit dhe para gjithë qytetarëve por edhe ti denoncoj në organet e drejtësisë. Ai tha se nëse dikujt i ka bërë trysni ata le të deklarohen sepse nuk ka bërë dhe nuk është në natyrën e tij për të bërë gjëra të tilla. Përdorimi i këtyre shprehjeve shantazh e presion nga anëtari i kuvendit nuk është i duhur për më tepër është diskutim koti dhe që nuk i bënë nder të thuhet para qytetarëve.

**Ilmi Azemi, anëtar i kuvendit**-konfirmoj se janë thirrur të gjithë deputet e PDK-së për të ju bërë trysni, me përjashtim të Lorik Maxhunit, Nurie Halilit dhe Ilmi Azemit.

**Blerina Shala, anëtare e kuvendit**-deklaroi me bindje të plotë se askush nuk e thirru në telefon për ti ushtruar presion për të votuar pikat e rendit të ditës.

**Sylejman Mehulli, anëtar i kuvendit**-pikat e rendit të ditë që lidhen me bartjen dhe tejkalimin e mjeteve financiare, nuk kanë kaluar në filtrin kryesor që është Komitetit për Politikë dhe Financa, dhe kështu këto pika duhet të hiqen nga rendi i ditës, sepse KPF-ja është forumi kryesor i shqyrtimit të politikave dhe dokumenteve financiare komunale. Në këtë rast duhet të kemi një rol më aktiv të drejtorit të drejtorisë i cili duhet të jap sqarimet e duhura për politikën dhe dokumentet financiare dhe për impaktin zhvillimor të këtyre dokumenteve, që lidhen me bartjen e mjeteve financiare të komunës.

**Adnan Lahu, anëtar i kuvendit**-tha se sa i përket propozim-vendimeve për bartjen dhe tejkalimin e të hyrave vetanake të komunës, ka gabime teknike dhe substanciale, dhe kërkoi që herëve tjera të mos përsëriten. Me qëllim të nxënies së afatit dhe me mos bllokimit të punës së komunës ata si grup kuvendar do ti përkrahin këto propozim-vendime.

**Ilmi Azemi, anëtar i kuvendit**-kërkoi nga kryesuesja e kuvendit që ta respektoj rregulloren e punës të kuvendit, për sa i përket votimit të propozimeve të dhëna nga anëtarët e kuvendit, duke i qitur në votim, dhe duke mos bërë shkelje ligjore duke iu mohuar anëtarëve të kuvendit të drejtat e tyre që burojnë nga rregullorja. Ai vlerësoi se është e patjetërsueshme e drejta e deputetëve të kuvendit të komunës për të bërë propozime dhe për ti votuar ato, tërhiqi vërejtje se është duke u shkelur rregullorja e punës në mënyrë flagrante.

**Në fund të debatit jashtë rendit të ditës dhe për rendin e ditës, kuvendi pas votimit me 28 vota “për” 1 votë “kundër” aprovoi këtë:**

## REND DITE

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 31 mars 2022;
2. Shqyrtimi i Raportit tremujor për të hyrat dhe shpenzimet buxhetore;
3. Shqyrtimi Propozim – vendimit për ofrimin e përkrahjes financiare për Klubin e futbollit “Vushtrria”
4. Shqyrtimi i Draft-Rregullores për Organizimin, Funksonimin dhe Bashkëpunimin e Komunës me Fshatrat, Vendbanimet dhe Lagjet urbane;
5. Shqyrtimi i Peticionit lidhur me Draft-Rregulloren për Organizimin, Funksonimin dhe Bashkëpunimin e Komunës me Fshatrat, Vendbanimet dhe Lagjet urbane;



6. Shqyrtimi i Raportit të aksionarëve për punën njëvjeçare të Ndërmarrjes regjionale për menaxhimin e mbeturinave “Uniteti”;
7. Shqyrtimi i kërkesës i Këshillit të Bashkësisë Islame lidhur me rishikimin e memorandumit për shërbime të varrimit;
8. Shqyrtimi i Propozim - vendimit për lirim nga pagesa e taksës komunale për kiosqet nga druri;
9. Shqyrtimi i Propozim – vendimit për shpërndarjen e të hyrave vetanake të tejkaluara për buxhetin e vitit 2021;
10. Shqyrtimi i Propozim – vendimit për bartjen e të hyrave vetanake nga viti 2021 në vitin 2022;
11. Shqyrtimi Propozim – vendimit për caktimin e lokacionit për ndërtimin e tregut të gjelbër për prodhime vendore në Vushtrri;
12. Shqyrtimi Propozim – vendimit për formimin e komisionit për verifikimin e procesit të dhënies në shfrytëzim të pronës komunale;
13. Të ndryshme.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 31 mars 2022;

**Pas shqyrtimit të kësaj pike të rendit të ditës, Kuvendi me vota “unanime” aprovoi procesverbalin nga mbledhja rregullt e Kuvendit të Komunës së Vushtrrisë, mbajtur më datë 31 mars 2022.**

2. Shqyrtimi i Raportit tremujor për të hyrat dhe shpenzimet buxhetore;

**Leonora Gërguri, anëtare e kuvendit**-tha se raporti tremujor për të hyrat dhe shpenzimet buxhetore, nuk duhet të kaloj pasi që i njëjti nuk është i kompletuar dhe mund të thuhet se është i nivelit skandaloz, për faktin se janë bërë krahasime të tre mujorit të parë të vitit 2022 me raportin e vitit 2021 tek tabelat sa i përket mallrave dhe shërbimeve, pastaj mungon faqja e dyte ku është dashur të jetë tabela me të dhënat për kategorinë mallra dhe shërbime, komunal, subvencione dhe tabela për investime kapitale. Meqë kemi të bëjmë me një dokument zyrtar i cili do të publikohet në faqen zyrtare të komunës ashtu edhe siç është cekur në dispozitat ligjore, mendon se ky raport duhet të kompletohet dhe më pas të sillet në kuvend.

**Remzi Ahmeti, drejtor i DBF-së**-tha se ato që i deklaroi anëtarja e kuvendit do të inkorporohen në raport.

**Adnan Lahu, anëtar i kuvendit**-kërkoj që raporti tremujor për të hyrat dhe shpenzimet buxhetore të shtyhet sepse nuk është i përgatitur si duhet.

**Pas shqyrtimit të kësaj pike të rendit, kuvendi pas votimit me vota “unanime” vendosi kjo pikë e rendi të ditës të shtyhet për mbledhjen e radhës.**

3. Shqyrtimi Propozim – vendimit për ofrimin e përkrahjes financiare për Klubin e futbollit “Vushtrria”

**Sylejman Mehulli, anëtar i kuvendit**-tha se askush nuk është kundër që ti dilet në përkrahje klubit të futbollit, sidomos në jubileun e tij në 100 vjetorin e themelimit të tij. Por nuk është mirë të ngutemi të marrim vendime populiste dhe kundërligjore. Vendimi i cili ishte marr vitin e kaluar

për subvencionimin e klubeve sportive dhe shoqatave në vlerë prej 200,000.00 € është një vendim i mirë por vështirë i realizueshëm. Por ajo çka është e rëndësishme është fakti se rregullorja e komunës për subvencionet përcakton se çdo përkrahje financiare në vlerë për mbi 500 € duhet të aplikohet përmes thirrjes publike, dhe praktika e ndarjes së përkrahjes financiare për klubet dhe OJQ-të e ndryshme përmes kuvendit ka qenë vetëm para vitit 2017, sepse prej se ka hi rregullorja në fuqi është obligative të kemi thirrje publike. Si kuvend mund ti propozojmë 50,000.00 € për klubin e futbollit si zë buxhetor por më tej financimi duhet të bëhet përmes thirrjes publike. Në të kundërtën nëse aprovojme mjete financiare vetëm me vendim të kuvendit atëherë po detyrohemi të bëjmë shkelje ligjore si anëtarë të kuvendit dhe kjo është situatë tejet e pa lakmueshme. Andaj propozoi që ky vendim ta ketë edhe një pikë shtesë ku precizohet që të gjitha këto mjete do të ndahen përmes thirrjes publike duke respektuar rregulloren në fuqi dhe udhëzimin administrativ të Ministrisë së Financave.

**Lorik Maxhuni, anëtar i kuvendit**-kërkoj që pika 4 e këtij propozim-vendimi të hiqet nga propozim, e nëse janë konstatuar shkelej ligjore atëherë në një seancë tjetër mund të silllet propozim për shfuqizimin e atij vendim, sepse nëse një vendim është jashtë fuqisë ligjore atëherë përse kemi nevojë që një vendim të tillë ta shfuqizojmë.

**Adnan Lahu, anëtar i kuvendit**-kërkoj që pika 4 e këtij propozim-vendimi të hiqet nga propozim, të rregullohet struktura ligjore e propozim-vendimit e më pas të diskutohet shuma e mjeteve financiare për përkrahjen e klubit të futbollit.

**Shpëtim Zhegrova, nënkryetar i komunës**-tha se vendim në vlerë prej 200,000.00 €, nuk është i publikuar në faqen zyrtare të komunës, si i tillë ai vendim është jo ligjore dhe kërkoi në këtë kontekst përkrahjen e anëtarëve të kuvendit që ti dilet në ndihmë klubit të futbollit pas që dëshira është për të hyrë në super ligë.

**Faton Hyseni, anëtar i kuvendit**-tha se në bazë të rregullores për subvencione, përkrahja financiare mbi 500 € bëhet përmes thirrjes publike, andaj nëse ka dilema ligjore atëherë le të dërgohet për marrjen e opinionit në zyrën ligjore, apo MAPL-së.

**Shpëtim Zhegrova, nënkryetar i komunës**-kërkoj nga kuvendit që ta aprovojnë më votë këtë propozim-vendim ashtu siç është sjellë, sepse për të gjitha klubet sportive të tjera dhe shoqata është shpallur thirrja publike, ndërsa është imediate të aprovohet ndihma financiare për klubin e futbollit “Vushtrria” në vlerë prej 50,000.00 €. Ndër të tjera propozoi që të shtohet edhe zyra e kryetarit si pozicion ekonomik, që do ta mbuloj koston e këtij vendimi.

**Fatmire Cecelia, anëtare e kuvendit**-tha se e kupton qëllimin e mirë për ti dal në ndihmë klubit të futbollit, njëjtë mendon se duhet ndihmuar klubi, mirëpo duke respektuar rrugët ligjore, dhe propozoi që shuma të rritet në 150,000.00 €, më qëllim që mundësohet që klubi të përmbush obligimet që i ka ndaj ATK-së dhe obligimet tjera që i ka si klub. Nëse klubi arrin ti përmbush obligimet ndaj ATK-së, atëherë komuna nuk do ta ketë problem që ta ndihmoj klubin përmes thirrjes publike. Presoni që është duke u bërë që subvencionimi i klubit të bëhet përmes kuvendit, është për faktin se klubi nuk mund të përkrahet përmes thirrjes publike për shkak të dokumentacionit që nuk e ka të kompletuar dhe për shkak se nuk ka ofruar raport disa vite më radhë. Në kuptimin figurativ njoftoi se dëshiron të “heqë dushkun komplet” se komuna ka marr vërejtje të vazhdueshme nga auditori gjeneral, kemi dal nëpër portale, jemi raportuar nga kllxo.com, dhe nëse vërtet dëshirojë ta ndihmojmë klubin atëherë rriteni subvencionet që ai ti paguan obligimet në mënyrë complete, dhe mandej nuk do të jetë problem që edhe vitin e ardhshëm të ndihmohet klubi, dhe kështu do të lehtësohet raportimi, sepse në çfarëdo forme që subvencionohet qoftë përmes kuvendit apo me thirrje publike, klubi duhet të raportoj sepse mbështetja po bëhet me para publike. Edhe nëse i ndajmë këto 50,000.00 €, kujt do ti raportoj

klubi. Andaj bëri thirrje që të rritet shuma e subvencioneve për klubin, dhe kështu klubin e futbollit, paraprakisht ka të drejtë të lidh marrëveshje me ATK-në që obligimet të kryej me rata. Në këtë rrjedhje askush nuk do të ketë problem dhe do të zgjidhje forma e financimit të klubit. Në të kundërtën nuk është mirë që në këso forma të qitet në lajthitje kuvendi, sepse ajo në cilësinë e drejtoreshës së DKRS-së i kishte lutur zyrtarët e klubit që ti përmbushin obligimet e klubit, por asokohe kishte ekzistuar një rrëmujë në funksionimin e klubit. Në fund tha duhet gjetur një rrugë afatgjatë për financimin e klubit të futbollit, sepse klubi nuk mund të përfitojë subvencion përmes thirrjes publike për shkak të dokumentacionit, dhe nëse i ndajmë mjete financiare përmes kuvendit ajo është e ngjashme sikurse mjetet do të ndante Drejtoria e Kulturës dhe atëherë do të shtrohej dilema se kujt do ti raportonte klubi për shpenzimin e parasë publike.

**Melihate Basholli-Latifi, kryesuese e kuvendit** –konstatoj se në bazë të sqarimeve të bëra jenim të obliguar që pikën 4 ta heqim nga propozim-vendim, sepse është mendim i përgjithshëm se vendim i tillë është jashtë fuqisë ligjore.

**Ilmi Azemi, anëtar i kuvendit**-vlerësoi se forma imponuese tek anëtarët e kuvendit në këtë rend të ditës është e papranueshme dhe krijon precedent të paparë, sepse kuvendi nuk është konstituar për herë të parë por ai funksionon për vite të tëra. Nga anëtarët e kuvendit pati propozime të ndryshme ku po kërkohet të hiqet pika 4 e propozim-vendimit, ku deputetët nuk po pajtohen që të shfuqizohet vendimi i kuvendit i me numër 210/21 i datës 06.10.2021 për subvencionimin e klubeve sportive dhe shoqatave tjera dhe për këtë deputetët kanë plotësisht të drejtë. Pastaj vlera për klubin e futbollit duhet të rritet në 100,000.00 € për përkrahje financiare dhe duhet të hiqet pika 4 e propozim –vendimit.

**Ferit Idrizi, kryetar i komunës**-tha se klubet sportive dhe shoqata tjera janë futur për subvencionim përmes thirrjes publike. Për klubin e futbollit ka përjashtime sepse është imediate ta ndihmojmë atë. Më tej sqaroi se janë mbështetur 400 të ri dhe të reja, janë rritur bursat e studentëve prej 55 në 70 bursa, janë planifikuar edhe 10,000.00 € për studentët që studiojnë në vendet e ndryshme të Evropës. Për herë të parë është planifikuar subvencionimin e qumështit me 4 cent për litër, subvencionimi i ujitjes së tokave që janë nënë sistemin e ujitjes me 50% , këto janë të gjitha votat dhe është vullneti i deputetëve që kah ti orientojnë këto mjete. Në vendimin që u tërheqë pika 4 për klubin e futbollit ishin ndarë 22,000.00 € ndërsa tani po rritet kjo shumë në 50,000.00 €.

**Agron Përçuku, anëtar i kuvendit**-kërkoj të jepet një mendim nga zyra ligjore se një propozim-vendim i tillë a është në suaza të ligjit, ndërsa është mirë të shikohet dhe duhet të shikohen mundësitë financiare të komunës, dhe konform mundësive të subvencionet klubi i futbollit “Vushtrria”.

**Adnan Lahu, anëtar i kuvendit**-tha se ky vendim duhet të aprovohet dhe nëse ka shkelje ligjore ato do ti konstatojnë MAPL-ja, ndërsa ai propozon që shuma financiare të rritet në 100,000.00 € ashtu siç ka qenë premtimi i kryetarit të komunës dhe ashtu siç ka qenë e inkorporuar në aprovimin e buxhetit të komunës.

**Sylejman Mehollu, anëtar i kuvendit**-duke u nisur nga diskutimit i kryetarit të komunës, tërhiq vërejtjen për deklaram për shkelje ligjore, ku vlerësoi se deklaramet e kryetarit të komunës mund të kualifikohen si shkelje të ligjit me paramendim dhe të njëjtat mund të sanksionohen, andaj sugjeroi të ketë kujdes në deklaramet publike në kuvend. Ai përsërit se subvencionimi i klubit duhet të bëhet përmes thirrjes publike duke respektuar udhëzimin administrativ dhe rregulloren komunale për subvencione. Në të kundërtën përpos kryetarit të komunës edhe kuvendi do të bartë përgjegjësi për votimin e një vendimi të tillë.

**Ilmi Azemi, anëtar i kuvendit**-tha se klubet sportive dhe OJQ janë subvencionuar përmes thirrjes publike, por në rastin e klubit të futbollit gjithëherë është ndihmuar përmes kuvendit dhe këtu nuk sheh kurrfarë shkeljesh ligjore. Përsëriti se duhet të rritet shuma financiare në 100,000.00 €, në këtë kontekst shtoi se mjetet mund të sigurohen nga pozicioni zyra e kryetarit, dhe vlerëson se po të mos ishte ndihmuar klubi përmes kuvendit atij do të rrezikonte mos të ekzistonte fare. Bëri thirrje që të rritet shuma dhe ta votojnë të gjithë anëtarët e kuvendit.

**Ferit Idrizi, kryetar i komunës**-kërkoj të votohet vlera financiare prej 50,000.00 € përkrahje financiare për klubin e futbollit, ndërsa gjatë vitit të shikohet mundësia për ta ndihmuar sërish klubin.

**Melihate Basholli-Latifi, kryesuese e kuvendit** –në rekapitullimin e debati lidhur me këtë propozim vendim konstatoi se hedhet në votim propozim-vendim për ofrimin e përkrahjes financiare për Klubin e futbollit “Vushtrria”, duke hequr pikën 4 të propozim dhe që vlera financiare e subvencionit të jetë 50,000.00 € konform mundësve financiare të komunës, dhe kërkoj që deputet që janë në konflikt të interesit eventual të tërhiqen nga votimi.

**Adnan Lahu, anëtar i kuvendit**-deklaroi se si anëtar i kryesisë së klubit, dhe me qëllim të shmangies eventuale të konfliktit të interesit nuk do të marr pjesë në votim.

**Në fund të debatit lidhur me këtë pikë të rendit të ditës, kuvendi pas votimit me 29 vota “për”, 2 vota “abstenim” vendosi me sa vijon:**

1. Me këtë vendim ofrohet përkrahje financiare në shumë prej pesëdhjetë mijë euro (50,000.00 €) për Klubin e futbollit “Vushtrria” në Vushtri.

2. Mjetet financiare të cekura si në pikën paraprake të këtij vendimi do të sigurohen nga buxheti i komunës – kategoria subvencione dhe transfere, të Drejtorisë për Kulturë, Rini dhe Sport.

3. Për zbatimin e këtij vendimi obligohen: Zyra e Kryetarit të Komunës, Drejtoria për Buxhet dhe Financa dhe Drejtoria për Kulturë, Rini dhe Sport.

4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

4. Shqyrtimi i Draft-Rregullores për Organizimin, Funksionimin dhe Bashkëpunimin e Komunës me Fshatrat, Vendbanimet dhe Lagjet urbane;

**Ymer Haradinaj, anëtar i kuvendit**-tha se themelimi i këshillave të fshatrave derivon nga udhëzimi administrativ 02/2019 i MAPL-së ku janë përcaktuar kriteret e numrit të këshillave të fshatrave konform numrit të popullsisë, ku neni 4 përcakton: Organizimi dhe funksionimi i këshillave lokale, Komuna themelon këshillat lokale në bazë të numrit të banorëve si vijon: Deri në 10.000 banorë, komuna duhet të ketë deri në katër (4) këshilla lokale; Prej 10.001 mijë deri në 20 mijë banorë, komuna duhet të ketë deri në tetë (8) këshilla lokale; Prej 20.001 deri në 30 mijë banorë, komuna duhet të ketë deri në dymbëdhjetë (12) këshilla lokale; Prej 30.001 mijë deri në 50 mijë banorë, komuna duhet të ketë deri në njëzet (20) këshilla; Prej 50.001 mijë deri në 70 mijë banorë, komuna duhet të ketë deri në njëzet e pesë (25) këshilla lokal; Prej 70.001 mijë deri 100 mijë banorë, komuna duhet të ketë deri në tridhjetë(30) këshilla; Komunit me mbi 100.001 banorë, komuna duhet të ketë deri në dyzetë (40) këshilla. Neni 6 i draft-rregullores përcakton se Komuna e Vushtrris mund të themeloj deri në 22 këshilla lokal, mendon se duhet të shtohet numri i këtyre

këshillave lokal në qytet sepse numri i banorëve në qytet është përafërsisht i njëjtë me numrin e banorëve që gravitojnë nëpër fshatrat e komunës dhe se vetëm 4 këshilla lokal në qytet janë pak kur e krahasojmë me numrin kaq të madh të banorëve dhe propozoi që numri të rritet në 6 apo eventualisht 7 këshilla në qytet. Tek neni 5 i draft-rregullores ku thuhet se: Kuvendi i komunës emëron një komision për të udhëhequr dhe koordinuar punën në terren në zgjedhjen e këshillave lokale. Komisioni duhet të ketë shtatë (7) anëtarë, katër (4) anëtarë nga Kuvendi i komunës, një (1) nga ekzekutivi, një (1) nga shoqëria civile dhe një (1) nga përfaqësuesit e fshatit, vendbanimit apo lagjes urbane nga lokaliteti ku bëhet zgjedhja e këshillit lokal. Ky përfaqësues zgjedhet ad-hoc nga komisioni. Në këtë kontekst propozoi që fjala zgjedhet nga komisioni të hiqet nga ky nenë, pasi që ky anëtar duhet të zgjedhet nga qytetarët e këshilli të fshatit. Pastaj fokusi duhet të jetë tek neni 9 ku thuhet se: Kandidatët për anëtarë dhe kryetarë të këshillave lokale nuk mund të jenë kandidatë nëse janë të zgjedhur apo të emëruar në poste udhëheqëse në strukturat e subjekteve politike, si subjekt politikë e përkrahin plotësisht këtë sanksionim ligjor me qëllim të depolitizimit të këshillave të fshatrave. Pastaj tek neni 17 pika 4 thuhet: Kompensimi bëhet pas dorëzimit të dokumentacionit sipas nenit 13, paragrafi 4 të kësaj rregulloreje. Ndërsa neni 13 i ka vetëm 3 pika apo paragrafë, e që në këtë rast duhet të përcaktohet se kompensimi bëhet pas dorëzimit të dokumentacionit sipas nenit 14 të rregullores.

**Mentor Hasani, anëtar i kuvendit**-kërkoj që në këshillin lokal Bukosh, Dalak, Shtitaricë, të kemi një veçim që fshati Bukosh të ndahet si këshill i veçantë, ndërsa fshati Dalak dhe Shtitaricë të jeni në një këshill të përbashkët ashtu siç është kërkesa e banorëve të këtyre fshatrave.

**Sylejman Mehulli, anëtar i kuvendit**-tha se është shumë e nevojshme që të bëhet emërtimi i lagjeve urbane në qytetin e Vushtrisë, kjo për shumë arsyes sepse qyteti është zgjeruar, dhe me qëllim të orientimit dhe adresimit të saktë në lagjet e caktuar, për shkak të aspekti të turizmit, atij historik, demografik dhe zonimit ekonomik e shëndetësor të qytetit. Andaj propozoi që kjo pikë të shtyhet për ndonjëherë nga mbledhjet e radhës, të themelohet një komision profesional dhe të shfrytëzohet kjo rregullore për zoonimin dhe emërtimin zyrtar të lagjeve të qytetit.

**Hava Rruka-Mlinkau, drejtoreshë DA-së**-paraqiti sqarime se posa të formohet komisioni i paraparë me rregullore, do të bëhet zononimi i lagjeve dhe ndarja e kufive kadastale-ndarja territoriale e qytetit.

**Ali Januzi, anëtar i kuvendit**-shprehu nevojën që nëpër bashkësitë lokale të kemi shoqëri kulturo-artistike, dhe kërkoj nga Drejtorja e Kulturës që ta ketë parasysh këtë.

**Fatmir Feka, zyrtar ligjor**-dha sqarime për temat e ngritura nga anëtarët e kuvendit. Lidhur me formimin e komisionit sqaroi se përbërja e tij është detyrim ligjor nga udhëzimi administrativ.

**Ferit Idrizi, kryetar i komunës**-tha se duhet të bëhet dallimi mes qëllimit dhe fushëveprimit të kësaj rregulloreje. Pastaj në suaza ligjore edhe 3 apo 4 këshilla lokale do të duhej të themelohen në qytet për shkak të numrit të banorëve. Pastaj përkrah idenë e emërtimit të lagjeve urbane në qytet dhe ngritjen e një komisioni profesional për këtë qëllim.

**Mek Selaci, anëtar i kuvendit**-tha se hartimi i kësaj rregulloreje ka zënë fill në kohën kur ai ishte drejtor i Drejtorisë për Administratë për çka i gëzohet këtij fakti. Më tej shtoi se shpreson që këshillat lokale të mos jenë të politizuara ashtu që të kemi zbatim të nenit 9 të kësaj rregullore, që ka përjashtuar që pjesë e këshillave lokale të jeni anëtarë të strukturave partiake.

**Adnan Lahu, anëtar i kuvendit**-kërkoj nga komisioni që ta ketë parasysh e këshillin lokal në Bukosh, ashtu që ai të jetë në bashkim me fshatin Novolan.

**Ilmi Azemi, anëtar i kuvendit**-tha se ka bashkëpunuar me komisionin sa i përket hartimit të kësaj rregulloreje, dhe vlerëson se problematike do të jetë zbatimi i nenit 9 ku thuhet se: Takimet kanë legjitimitet juridik, nëse të pranishëm janë së paku 30 pjesëmarrës me të drejtë vote të atij lokaliteti,

duke respektuar kuotën gjinore prej 30% të gjinisë më pak të përfaqësuar, dhe përfaqësimin etnik në lokalitete ku ka banorë të komuniteteve joshumicë. Kjo për faktin se nuk është gatishmëria e larët e qytetarëve për të marr pjesë në themelimin e këtyre forumeve dhe kjo është provuar nga praktikatat e kaluara. Ky përkufizim propozon të jetë të trajtën dëshirore për faktin se do të jetë shumë e vështir që një kuotë e tillë të përmbushet.

**Ymer Haradinaj, anëtar i kuvendit**-tha se kjo draft-rregullore duhet të aprovohet sot për faktin se nga dispozitat e udhëzimit administrativ del obligimi që komunat janë të obliguara brenda afati prej gjatë muajsh ti hartojnë rregulloret komunale, ndërsa udhëzimi ka hyrë në fuqi në vitin 2019. Për më tepër këshillat lokale janë formuar në vitin 2017 dhe atyre iu ka kaluar ma mandati, andaj është shumë e nevojshme aprovimi i kësaj rregulloreje.

**Në fund të debati lidhur me këtë pikë të rendit të ditës, në saj të konkluzioneve të nxjerra nga anëtarët e kuvendit, në mënyrë “unanime” u vendos që kjo pikë të shtyhet për ndonjëherë nga mbledhjet e radhës, për formimin e komisionit profesionalë dhe inkorporomini e ndryshimeve për emërtimin dhe zoonimin e lagjeve urbane të Qytetit të Vushtrrisë dhe të njëjta të jenë pjesë e rregullores.**

5. Shqyrtimi i Peticionit lidhur me Draft-Rregulloren për Organizmin, Funksionimin dhe Bashkëpunimin e Komunës me Fshatrat, Vendbanimet dhe Lagjet urbane;

**Ymer Haradinaj, anëtar i kuvendit**-evidentoj disa gabime teknike në peticion sa i përket numrit të faqeve por edhe numrave rendor, kërkoj që i njëjti të kompletohet.

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

Kuvendi i Komunës së Vushtrrisë në mbledhjen e rregullt të mbajtur më datë **28 prill 2022**, ka shqyrtuar peticionin e banorëve të fshatit Lumadh të parashtruar në emër z. Avni Zabelit, që lidhet me kërkesën e tyre që fshati Lumadh të ketë këshill lokal të veçantë ose t'i bashkëngjitet një fshati me numër të banorëve më të vogël, ashtu që të shmanget mbivotimi në këshill në proceset vendimmarrëse, andaj Kuvendi i komunës pas një analize të hollësishme, komisionit të lartcekur i parashtron këtë:

### **Kërkesë**

Kuvendi i Komunës së Vushtrrisë kërkon nga Komisioni komunal për hartimin e Draft-rregullores për Organizmin, Funksionimin dhe Bashkëpunimin e Komunës me Fshatrat, Vendbanimet dhe Lagjet Urbane, që të shqyrtojë dhe analizojë me kujdes kërkesat që dalin nga peticioni i cekur më lart konform legjislacionit në fuqi, si dhe duke marrë për bazë interesin qytetar të marrë vendim për kërkesat që derivojnë nga peticioni.

Obligohet komisioni i cekur më lart që të jepë përgjigje me shkrim brenda afatit ligjor dhe për të njëjtën ta njoftojë parashtruesin e peticionit.

6. Shqyrtimi i Raportit të aksionarëve për punën njëvjeçare të Ndërmarrjes regjionale për menaxhimin e mbeturinave “Uniteti”;



**Ilmi Azemi, anëtar i kuvendit**-tha se ky raport duhet të sillet në kuvend përsëri, pasi të aprovohen pasqyrat financiare të Kompanisë “Uniteti” sepse këtu mungon edhe raporti i auditorit për pasqyrat financiare, andaj në rastin konkret kryeshefi ekzekutiv mund të tregoj në raport të shpërfaq dokrra dhe çështje të fontanë dëshirash duke shkruar shifra pa kurrfarë baze. Ky raport ka shënime tepër të pasakta dhe nuk ja vlen të merremi fare me të. Ka shifra jo reale, nuk janë paraqitur të gjitha detyrimet kontingjente që i ka kompania. Qëndrueshmëria ekonomike e kësaj kompanie nuk është e stabile, por këtu në raport paraqiten insinuata imagjinare për gjoja sukses në qëndrueshmërinë e ndërmarrjes. Pastaj pyeti se pas emërimit të anëtarëve të komisionit të aksionarëve nga Komuna e Vushtrrisë, pyeti se çfarë po ndodh në procedurat e mëtutjeshme në Kompaninë “Uniteti” dhe “Përparimi”. Pyetja qëndron se çka kanë ndërmarr komisioni i aksionarëve a ka filluar me emërimin e anëtarëve të bordit dhe cilat politika si komunë do ti zhvillojmë rreth këtyre dy kompanive. Atje kemi pasur bordet ekzistuese dhe marrja e pushteti nënkupton edhe marrjen e përgjegjësisë, ne kemi deleguar aksionaret tanë dhe më tutje nuk dimë se çfarë po ndodh, a ka ndryshime në bord, a ka ndryshime në strukturën udhëheqëse tek kryeshefat ekzekutiv, apo është zgjatur mandati nuk kemi kurrfarë transparence, kjo është papranueshme dhe e frikshme. Andaj lidhur me këto kërkoj një raport të detajuar lidhur me funksionimin e këtyre dy ndërmarrjeve.

**Ali Januzi, anëtar i kuvendit**-pyeti sa punëtor numëron kompania “Uniteti” në Vushtri, në çfarë gjendje janë në aspektin fizik-shëndetësor, a ka kontroll sistematik shëndetësor të tyre, për faktin se ata kryejnë një shërbim jo të lehtë. Si qëndrojnë me paga dhe çfarë mekanizim punues posedojnë.

**Refik Maloku, anëtar i kuvendit**-tha se ai është anëtar i komisionit të aksionareve, dhe asnjëherë nuk është thirrur në ndonjë takim për të shqyrtuar raportin e kësaj kompanie. Mendon se është e rrugës që së pari raporti të shqyrtohet në bordin e Kompanisë, më pas duhet të kaloj në trajtimin nga ana e Komisionit të Aksionarëve, dhe vetëm pas aprovimit nga këto dy instanca të ofrohet para kuvendit komunale për shqyrtim. Andaj ky raport nuk i ka përfillur rregulloret dhe si i tillë fare nuk duhet të shqyrtohet nga kuvendi i komunës.

**Bekim Zabergja, anëtar i kuvendit**-tha se në bazë të Ligjit për Ndërmarrjet Publike, formohet komisioni i aksionarëve, ndërsa ky i fundit ka kompetencën që formoj Bordin e Drejtorëve, ndërsa bordi zgjedh zyrтарin e larët dhe kryeshefin ekzekutiv të kompanisë. Ligjërisht bordi ju i jep llogari kuvendit të komunës, por komisionit i aksionarëve që është i emëruar nga kuvendi i komunës. Pra komisionit i aksionarëve ka për obligim të raportoj para kuvendit për të hyrat dhe shpenzimet për strategjinë zhvillimore dhe politika e ndërmarrjes se ky komision nuk është zgjedhur për të shikuar por për të kryer punët që është ngarkuar.

**Gazmend Morina, kryeshef ekzekutiv i Kompanisë Uniteti**-paraqiti sqarime të përgjithshme duke u përgjigjur në pyetjet e ngritura nga anëtarët e kuvendit. Kërkoj nga kryetari i komunës të rritet tarifa e shërbimit për mbeturina nga 4.40 € në 4.90 €.

**Ilmi Azemi, anëtar i kuvendit**-tha se ngritja e tarifës së mbeturinave nuk mendon se do të ishte ndonjë barrë e rënd për qytetarët. Ndërsa provizioni prej 1.40 €, mendon se edhe ligjërisht është e kontestueshme. Pastaj njoftoi se në kohën e udhëheqjes së komunës nga Kryetari z.Mulaku, kompania “Uniteti” është subvencionuar me nga 10,000.00 € nga komuna për mbulimin e shpenzimeve të derivateve. Pastaj ngriti shqetësimin se punëtorët e kompanisë në fjalë kanë paga shumë të dobëta dhe nuk ju mbulohej racioni i ushqimit ditor. Kërkoj që punëtorëve të operativës që grumbullojnë mbeturinat të iu ofrohet një shujtë racion prej 5 € në ditë.

**Sylejman Mehulli, anëtar i kuvendit**-kërkoj nga strukturat udhëheqëse të kompanisë “Uniteti” të ketë përmirësim të kushteve të punës për punëtorët, mos vonesa në ekzekutimin dhe ngritjen e pagave për ta. Ai falënderoj punëtorët e kësaj kompanie, për punën e madhe që janë duke e bërë

dhe vërtet falë punës së tyre Vushtrria ka ndryshuar substancialisht në aspektin e menaxhimit të mbeturinave dhe ruajtjes së ambientit. Ndërsa komuna duhet ta rritë përkrahjen ndaj kësaj kompanie.

**Remzi Ahmeti, drejtor i DBF-së-paraqiti** sqarime sa i përket pagave të punëtorëve të Kompanisë “Uniteti”.

**Shpëtim Zhegrova, nënkryetar i komunës-falënderoi** strukturat udhëheqëse dhe punëtorët e Kompanisë “Uniteti” për punën e madhe që kanë bërë këto viteve të fundit dhe u zotua se bashkëpunime dhe përkrahja e Komunës me kompaninë vetëm sa do të thellohet.

7. Shqyrtimi i kërkesës i Këshillit të Bashkësisë Islame lidhur me rishikimin e memorandumit për shërbime të varrimit;

**Adnan Lahu, anëtar i kuvendit-njoftoi** se në bazë të vendimit për mbulimin e shpenzimeve të varrimit, ish kryetari i komunës ka lidhur memorandum mirëkuptimi, dhe në këtë rast nuk ka nevojë për një vendim tjetër për ndryshimin e këtyre tarifave, kjo çështje bie në kompetencat e kryetarit të komunës.

**Sylejman Mehulli, anëtar i kuvendit-tha** se jemi që ky memorandum të vazhdohet por jo njëjtë, për faktin se shërbimi kryesor që lidhet me hapjen e varreve, shërbim i cili nuk është duke u kryer. Andaj si grup kuvendar kërkojnë që në kuadër të këtij memorandum të kthehet shërbimi i hapjes së varrit, nëse një shërbim i tillë nuk ofrohet atëherë nuk kuptim dhe interes komuna ta vazhdojë këtë memorandum. Nëse do të ofrohej ky shërbim, rritja e tarifës së shpenzimeve të varrimit nuk do të paraqiste problem.

**Ilmi Azemi, anëtar i kuvendit-tha** se para së të sillje ky memorandum në kuvend dhe para propozimit për rritjen e kësaj tarife, është dashur të konsultohet baza ligjore, për arsye se kjo çështje është e kundërligjshme, sepse kjo duhet të zgjidhet vetëm përmes procedurave të prokurimit nëse do të donim ta respektojmë ligjin, sepse të gjitha pozicionet si: hapja e varrit, dërrasat, qefini, piramidat me mbishkrime dhe transporti janë çështje që të shpallen në tender të hapur përmes konkurrencës, ndërsa pastrimi i kufomës dhe kryerja e ritualeve të varrimit mundet të bëhet prapë përmes procedurave të prokurimit të veçantë përmes negocimit. Andaj kësaj nuk është në kompetencën e kuvendit të caktoj vlerën e çmimit dhe as me ngrit atë, në këtë kontekst ndjenë obligim të sqaron se kjo çështje është e kundërligjshme dhe ka qenë edhe në kohën kur është lidhur ky memorandum. Ai nuk preferon një formë të tillë të kontraktimit të këtyre shërbimeve kundërligjore, sepse akoma nuk kemi një raport se sa i kanë kushtuar këto shërbime Bashkësisë Islame, dhe kjo e fundit a i ka paguar ndonjë tatim shtetit e për të cilën nuk beson se kanë kryer. Në fund tha se forma e vetme e ligjshme e kontraktimit të këtyre shërbimeve është përmes procedurave të prokurimit, dhe se nuk i takon kuvendit të marr vendim.

**Ferit Idrizi, kryetar i komunës-tha** se beson se zyrtarët e prokurimit, e kanë shikuar bazën ligjore për një kërkesë të tillë dhe rrjedhimisht këtë kërkesë e kemi procedura në kuvend për aprovim. Pastaj shtoi se është specifike kërkesa në fjalë sepse nëse shpall tender publik nuk ka operator ekonomik që kryejnë këto shërbime. Në të kundërtën nëse kjo kërkesë është e kundërligjshme as ai vetë nuk e mbështet. Por kontraktimi i këtyre shërbimeve ka qenë vite më parë në këtë formë dhe auditor gjeneral nuk është se ka dhënë vërejtje më parë. Sa i përket shërbimeve të varrimit sidomos hapja e varrit por edhe mirëmbajtja e varrezave është menduar të kalojë në menaxhim në ndërmarrjen “Përparim” e cila është themeluar tash së voni. Kjo është menduar kështu sepse siç dihet Bashkësia Islame nuk mund ta kryej si duhet këtë shërbim për shkak të mungesës së kapaciteteve.

**Shpëtim Zhegrova, nënkryetar i komunës-njoftoi** se kuvendin se deri më tash pagesa e shërbimeve të varrimit është bërë nga kategoria e mallrave dhe shërbimeve që ka qenë formë jo ligjore. Tani e tutje është planifikuar që këto shpenzime të mbulohen nga kategoria e subvencioneve nga të hyrat e bartura që është formë plotësisht ligjore.

**Mek Selaci, anëtar i kuvendit-pyeti kryetarin e komunës** si pjesëtarëve të feve tjera jo-islam a iu paguna komuna shpenzimet e varrimit.

**Ferit Idrizi, kryetar i komunës**-tha se është gatshëm që të gjithë konfesioneve fetare që bëjnë kërkesë komuna të iu mbuloj shpenzimet e varrimit komuna është e të gjithëve pa diskriminim.

**Adnan Lahu, anëtar i kuvendit**-tha se nëse është paraparë në statutin e ndërmarrjes “Përparim” që ndër shërbimet që ofron ndërmarrja është edhe hapja e varrezave, atëherë fton dhe kërkon nga komuna që kjo ndërmarrje të fuqizohet me mekanizëm të duhur që kjo ndërmarrje ti kryen shërbimet ashtu si na ka hije dhe të rritet cilësia e shërbimeve që ofron kjo kompani. Lidhur me dokumentacion vlerësoi se vendimi i kuvendit për këto shërbime është marr në vitin 2017 dhe të gjitha memorandumet e mirëkuptimit janë lidhur duke u thirrur në atë vendim, dhe tani nuk ka nevojë për një vendim tjetër të kuvendit.

**Ilmi Azemi, anëtar i kuvendit**-tha se kjo formë e kontraktimit është kundërligjore, dhe se forma e vetme është përmes procedurave të prokurimit të negociuar, ndryshe edhe nëse voton kuvendi prapë kemi shkelej ligjore sepse vendimet e kundërligjshme nuk ka obligim ti zbatohet kryetari i komunës e askush tjetër.

**Bekim Zbergja, anëtar i kuvendit**-tha se vendimi i kuvendit me numër protokolli 189/17 i datë 29.06.2017, për mbulimin e shpenzimeve të varrimit duhet të shfuqizohet pasi që mjetet në saje të këtij vendimi janë siguruar nga kategoria mallra dhe shërbime gjë e cila bie ndesh me ligjin. Tani duhet të merret vendimi i ri ku mjetet për shërbimet e varrimit mbulohen nga kategoria subvencione dhe transfere. Ndryshimi dhe fshirja e disa neneve në memorandumin e mirëkuptimit pa vendim të kuvendit nga ish-kryetari i komunën përbën shkelej ligjore.

**Ferit Idrizi, kryetar i komunës**-propozoi që të merret vendimi i kuvendit për rritjen e tarifës, dhe konform këtij vendim të hartohet një tekst i spastruar i memorandumit të mirëkuptimit i cili do të mund të sillej në kuvend për aprovim.

**Shpëtim Zhegrova, nënkryetar i komunës**-tha se vendimi i vitit 2017 për mbulimin e shpenzimeve të varrimit, nuk ka precizuar në mënyrë të veçantë shërbimet që do të ofrohen siç janë: hapja e varrit, larja e kufomës dhe shërbime tjera. Sipas mendimit të tij lidhja e memorandumit të dytë ishte në kundërshtim me ligjin dhe me vendimin e kuvendit. Kurse tani është sjellë në kuvend kjo kërkesë e cila është kërkesë e Bashkësisë Islame. Ndërsa sa i përket memorandumit të mirëkuptimit ai do të sillet në kuvend në mbledhjen e radhës pasi ai duhet të renvohet pas skadimit të afatit. Ndryshimi i memorandumit të mirëkuptimit nuk mund të bëhet pa vendim të kuvendit.

**Sylejman Mehulli, anëtar i kuvendit**-vlerësoi se nëse ka ardhur koha për lidhjen e një memorandumit të ri me Bashkësinë Islame atëherë le të lidhet ky memorandum në saje të kushteve të reja financiare dhe ligjore dhe më pas dërgojeni në kuvend ku të gjethe do ta përkrahim aprovimin e tij. Ndërsa kërkoj me patjetër që pjesë e këtij memorandumit duhet të jetë edhe shërbimi i hapjes së varrit. Në qoftë se Bashkësia Islame nuk mund të ofroj këtë shërbim atëherë të gjendet një modalitet tjetër që të subvencionohen familjet që kanë rast vdekje me nga 100 € ndihmë ku do ta mbuloni shpenzimin e këtij shërbimi.

**Mentor Hasani, anëtar i kuvendit**-tha se duke parë si mjaft të rëndësishme ofrimin e shërbimeve të varrimit, duhet të gjithë ta përkrahim rritjen e kësaj tarife dhe deklaroi se grupi kuvendar i PDK-së e mbështet këtë propozim.

**Adnan Lahu, anëtar i kuvendit**-vlerësoi se kjo pikë e rendit të ditës duhet të shtyhet dhe pasi të nënshkruhet memorandumi i mirëkuptimit duhet të silltet në kuvend për aprovim.

**Në fund të debati lidhur me këtë pikë të rendit të ditës, kuvendi pas votimit me 16 vota “për” 6 vota “kundër” dhe 4 vota “abstenim” vendosi me sa vijon:**

1. Me këtë vendim rritet vlera e tarifës për shërbimet e varrimit, në shpenzimet komunale për ritet fetare që ofrohen nga Bashkësia Islame Dega në Vushtri, nga 180 € sa është aktualisht në 200 €.

2. Rritja prej njëzet (20 €) e vlerës së kësaj tarifës bëhet si rezultat i rëndimit të gjendjes së përgjithshme ekonomike, në kushtet e ngritjes së çmimeve dhe shtrenjtimit të kostos së jetesës.

3. Për zbatimin e këtij vendimi obligohen: Kryetari i komunës, Drejtoria e Shërbimeve Publike, si dhe Drejtoria për Buxhet dhe Financa.

4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

8. Shqyrtimi i Propozim - vendimit për lirim nga pagesa e taksës komunale për kiosqet nga druri;

**Adnan Lahu, anëtar i kuvendit**-pyeti se a janë të inkuorporuar të gjitha kiosqet e drurit në lirim nga kjo ngarkesë komune, nëse janë atëherë do ta përkrahin këtë propozim-vendim.

**Agron Përçuku, anëtar i kuvendit**-pyeti se komisioni i cili ka dhënë në shfrytëzim këto shtëpiza të drurit, a janë duke u shfrytëzua të njëjtat sipas destnimit, për faktin se ka shumë biznese tjera të cilat do të kishin operuar në këto prona komunale, andaj komisioni duhet ta bëjë një rishqyrtim se kujt ia ka dhënë në shfrytëzim këto shtëpiza të drurit.

**Pas shqyrtimit të kësaj pike të rendit, kuvendi pas votimit me 31 vota “për” vendosi me sa vijon:**

1. Me këtë vendim lirohen nga pagesa e taksës komunale, kioskat nga druri që jepen në shfrytëzim nga komuna për më pak se një vit, nga data 1.5.2022 deri më 25.4.2023.

2. Qëllim i këtij vendimi është përkrahja e këtyre veprimtarive, të cilat operojnë në gjendje jo të mirë ekonomike.

3. Për zbatimin e këtij vendimi obligohen: Drejtoria për Buxhet dhe Financa, Drejtoria për Urbanizëm dhe Mbrojtje të Mjedisit, si dhe Drejtoria e Inspektimeve.

4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

9. Shqyrtimi i Propozim – vendimit për shpërndarjen e të hyrave vetanake të tejkaluara për buxhetin e vitit 2021;

**Ilmi Azemi, anëtar i kuvendit**-deklaroi se në formën si është sjell ky propozim-vendim ai nuk do ta votojë. Tutje shtoi e kur është aprovuar buxheti i komunës, është votuar me mendimin se mjetet

vetanke do të shfrytëzohen në kuptimin e përmbushjes së aktiviteteve të parapara, edhe pse ka pasur pozicione, që sikur të ishte planifikuar buxheti me kohë dhe të ishim në afatet ligjore do të kishim tjera rezultate. Mirëpo pasi ishim në dijeni për bartjen e të hyrave komunale atëherë e kemi përkrah dhe e kemi konceptuar drejtë votimin e buxhetit, duke menduar se me të hyrat vetnake do ti japim një frymë ndryshe buxhetit, duke i dhënë fuqi edhe për zhvillim ekonomik edhe për mbulimin e nevojave qytetare në aspektin konsumues por edhe në atë social. Qeveri komunale zotëri Kryetar i komunës ju informoj se në Komunën e Vushtrrisë jetojnë rreth 1500 familje me asistencë sociale, këto familje luftojnë për ekzistencën e tyre, të tjera që nuk gëzojnë asistencë sociale rrezikohen nga skamja ekstreme, të pa punët janë në gjendje të renduar, të sëmuret sidomos me sëmundje kronike vuajnë për barna dhe trajtim me dinjitet shëndetësor. Personat me aftësi të kufizuar pothuajse i janë lanë fatit nuk sheh dhe nuk ka politika stimuluese për biznese e me këtë edhe hapja e vendeve të reja të punës si koncept dhe si kategori nuk ekziston fare. Të gjitha këto të cekura është dashur të jenë impakt në buxhet në bartjen e mjeteve por edhe në zhvillimin ekonomik të komunës. Paraprakisht kërkoj të dinë se sa është vlera e obligimeve kontraktuale të bartura nga viti 2021 në vitin 2022 dhe se ka qeveria komunale mjetet të parapara për financimin e këtyre projekteve. Pastaj sa është kostoja apo vlera e vendimeve të kuvendit të komunës që nuk janë realizuar deri më tani, sepse ka vendim nga viti në vit dhe ende nuk janë realizuar. Ndër këto vendim është ai për përkrahjen e klubeve sportive dhe shoqatave tjera në vlerë 200,000.00 €, pastaj një tjetër vendim me peshë fundamentale është ai i kompensimit të familjeve me viktime nga covid-19, por edhe atyre që janë prekur nga kjo pandemi, ky vendim me rëndësi duhet të jetësohet sa më shpejt. Sa janë obligimet e bartura në subvencionet në bujqësi, sepse jemi në dijen se para disa muajve bujqit kanë paguar participim për mjetet në bujqësi pajisjes bujqësore të parapara me buxhet dhe ende nuk i kanë marr këto mjete. Sa është vlera e detyrimeve kontingjente dhe a rrezikojnë qëndrueshmërinë financiare të komunës. Të gjitha këto të cekura do duhej të ishin të raportuara këtu në kuvend dhe konform obligimeve, do të duhej të planifikohej bartja e më këtë edhe shpërndarja buxhetore, sepse në formën e propozuar rrezikojmë që një pjesë e konsiderueshme e buxhetit të shpenzohet duke mbuluar obligime përmbartimore dhe taksa gjyqësore. Kjo është kështu se akteret që janë të prekur me këto vendim do të mund të inicionin procese gjyqësore për realizimin e drejtave të tyre që burojnë nga këto vendim. Në fund deklaroj se këto pika nuk do ti votoj dhe të njëjtat do ti dërgoj për shqyrtim në MAPL për vlerësim sepse të njëjta nuk i kanë kaluar fazat ligjore.

**Adnan Lahu, anëtar i kuvendit**-tha se vitin e kaluar PDK në Vushtri, nuk e kishte aprovuar buxhetin e komunës për arsye puro politike, ndërsa në subjekt politik, muaj më parë në mënyrë unanime e votuam buxhetin vetëm për mos ta bllokuar komunën. Sa i përket këtyre dy pikave që tani po trajtohen në lidhur me këtë mbajtëm një seancë të jashtëzakonshme, ku materiale nuk ishin të përgatitura mirë dhe ishin jo profesionale. Por sot jemi në një situatë tjetër që këto pika janë sjellë e që prapë kanë të meta por me qëllim të mos bllokimit grupi i LDK-së do ti votoj dhe të njëjtat do të vlerëson në kuptimin ligjor nga MAPL-ja.

**Sylejman Mehulli, anëtar i kuvendit**-vlerësoi se nuk është respektuar normativi ligjor sa i përket këtyre dy pikave për bartjen dhe tejkalimin e të hyrave komunale, sepse të njëjtat nuk kanë kaluar në filtrin ligjor të KPF-së e që është detyrë ligjore që dokumentet dhe politikat financiare të shqyrtohen nga Komitetit për Politikë dhe Financa. Ai kërkoi një arsyetim dhe analizë vizionare nga kryetari i komunës dhe drejtori i drejtorisë gjegjëse se përse duhet votuar këto pika. Në këtë rrafsh pyeti, a pasqyrohen në këtë bartje të mjeteve disa vendim të kuvendit të cilat më herët nuk janë zbatuar një nga ato vendim është ai që lidhet me subvencionimin e klube sportive dhe shoqatave që më herët veç u përmend, më tej disa vendim tjera për ndërtimin e urave dhe rrugëve,

një prej tyre që është e dëmtuar është ura e fshatit Akrashticë dhe ky projekt a është i pasqyruar në këto bartej të mjeteve. A është planifikuar subvencionimi me këtë bartej të prekurit nga covid-19. Kodi ekonomik 46840 është interesant ky kod që parasheh renovimin e stadiumit <Musa Abazi>, në njërin anë planifikojmë renovimin e këtij tregu e në anë tjetër në një pjesë të tij propozoni vendosjen e tregut këto projekte në këtë formë nuk kanë logjik dhe nuk plotësojnë interesin e përgjithshëm.

**Ferit Idrizi, kryetar i komunës**-në arsyetimin e këtyre propozim-vendimeve për bartej dhe tejkalim të hyrave komunale shtoi se impakti do të jetë tek të papunët, tek nxënësit studentët dhe tek kategoritë tjera. Ky është buxheti më i madhe që është subvencionuar ndonjëherë në vlerë prej 1,297.540.00 €, që dallimi është në vlerë prej 37000, 235.007 € më shumë se sa vitin e kaluar. Në këtë kontekst arsyetoj se në kuadër të bartjes janë planifikuar subvencione në bujqësi, për herë të parë subvencionohet ujitja e tokave në 50 % , pastaj përkrahja e fermerëve për 4 cent për litër të qumështit, ky subvencionim do të jetë tërësisht transparent. Pastaj do të ndihmohen bletarët, janë rritur bursat për studentë, do të ndihmohen 400 të ri dhe të reja në aftësim profesional. Është vazhduar subvencionimi i lehonave që ka qenë në fuqi edhe në mandatet e kaluara. Jemi hi në një marrëveshje bashkëpunim me shoqatën “Jetimat e Ballkanit” për ndërtimin e 10 shtëpive dhe kjo do të jetë një ndihmesë, mbulohen qiratë për skamnorët për banim. Të gjitha këto dhe të tjera që nuk u përmend janë instrument që janë futur në këtë bartej që do të ndikojnë në shumë dimensione për përmasimin e gjendje ekonomike e sociale, andaj kërkoi që kjo pikë e rendit të ditës aprovohet nga ana e kuvendit. Pastaj të gjitha projekte kapitale që kanë mbetur nga mandati i kaluar do të vazhdohen sidomos ato projekte që janë dy dhe tri vjeçare.

**Remzi Ahmeti, drejtor i DBF-së**-s qarroi se obligimet nga të hyrat e bartura të tejkaluar janë 1,215,675.47 €, ndërsa subvencionet janë 37000, 235.007 € të cilat janë të orientuara kryesisht në bujqësi dhe kulturë por edhe në dimensione tjera.

**Sylejman Mehulli, anëtar i kuvendit**-kërkoi të jepen sqarime nga Drejtori për Buxhet dhe Financa, lidhur me subvencionet në Drejtorinë për Administratë.

**Nasuf Aliu, anëtar i kuvendit**-tha se ndodhemi para dy krizave të rënda njëra është ajo me pandeminë covid-19, ndërsa tjetra kriza e madhe ekonomike që e ka përfshirë globin. Andaj si rezultat i këtyre komuna është dashur të jetë e involvuar në mënyrë më direkte me hapa konkret për çdo kategori. Në emër të grupit kuvendar të LVV-së propozoi që të ndahen 50,000.00 € për të shpërndarë pako ushqimore për familjet në nevojë, të ndahen 100,000.00 € subvencion për bizneset ekzistuese për ti mbuluar kamatat e kredive, të ndahen 50,000.00 € mbështetje për të vetë punësuarit dhe 100,000.00 € grantet për rini dhe bizneset ekzistuese dhe zgjerimin e tyre. Kriza e tillë ekonomik trajtohet përmes mbështetjes së tillë direkte. Shuma totale e këtyre propozimeve është përafërsisht 300,000.00 € dhe nuk është ndonjë shumë aq e madhe që do ndikonte direkt në buxhetin e komunës në kategoritë e mjeteve të bartur. Në fund ceku se nëse propozimet e tij përfillen atëherë ai do ta përkrah këtë propozim-vendim.

**Ferit Idrizi, kryetar i komunës**-tha se propozimet e parafolësit janë të mira, por ato nuk ka mjete për ti mbështetur. Pastaj shtoi se orientimi i subvencioneve në fushën e bujqësisë është bërë me qëllim të shpëtimit nga falimentimi i bujqve.

**Nasuf Aliu, anëtar i kuvendit**-tha se me shumën që ai e propozoi do të mund të hapeshin rreth 100 vende të reja pune dhe kjo do të ishte tepër pozitive. Ajo çfarë ai vlerëson është fakti se ndarja e një fondi emergjent për të ndikuar direkt tek shtresat sociale do të jetë e paevitueshme, dhe kjo nuk ka alternativ, por sa më herët të bëhet kjo aq më mirë do të jetë për qytetarë e Komunës së Vushtrrisë, kjo është kështu sepse kjo është veç fillimi i ballafaqimit me krizën ekonomike.



**Në fund të debati lidhur me këtë pikë të rendit të ditës, kuvendi pas votimit me 24 vota “për” 3 vota “kundër” të tjerat “abstenim” vendosi me sa vijon:**

1. Me këtë vendim bëhet shpërndarja e tejkalimit të planit të të hyrave vetanake për vitin 2021 në kategoritë ekonomike të cekura si më poshtë:

1.1 Mallra dhe shërbime .....	306,354.13 €
1.2 Shpenzime komunale.....	9,994.73 €
1.3 Subvencione dhe transfere.....	593,966.26 €
1.4 Investime kapitale.....	227,973.92 €

**Totali i mjeteve të tejkaluara.....1,138,289.04 €**

2. Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.

3. Pjesë përbërëse e këtij vendimi janë tabela për shpenzimet operationale dhe tabela e shpenzimeve kapitale.

4. Ky vendim hynë në fuqi pesëmbëdhjetë (15) ditë pas protokollimit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunes së Vushtrisë.

**10. Shqyrtimi i Propozim – vendimit për bartjen e të hyrave vetanake nga viti 2021 në vitin 2022;**

**Sylejman Mehulli, anëtar i kuvendit-pyeti drejtorin e Drejtorisë së Shëndetësisë dhe atë për Emergjencë, Mbrojtje dhe Shpëtim se cili do të jetë impakti ekonomik i bartjes së të hyrave komunale në dikasteret që ata i përfaqësojnë.**

**Pas shqyrtimit të kësaj pike të rendit, kuvendi pas votimit me 25 vota “për” 8 vota “kundër” vendosi me sa vijon:**

1. Me këtë vendim bëhet bartja e të hyrave vetanake nga viti 2021 në vitin 2022 në kategoritë si në vijim:

1.1 Mallra dhe shërbime.....	675,131.31 €
1.2 Shpenzime komunale.....	14,504.93 €
1.3 Subvencione dhe transfere.....	693,700.00 €
1.4 Investime kapitale.....	1,190,675.47 €

**Totali i mjeteve të bartura.....2,574,011.71 €**

2. Për zbatimin e këtij vendimi obligohen: Drejtoria për Buxhet dhe Financa dhe drejtoritë tjera kompetente komunale.

3. Pjesë përbërëse e këtij vendimi janë tabela për shpenzimet operacionale dhe tabela e shpenzimeve kapitale.

4. Ky vendim hynë në fuqi pesëmbëdhjetë (15) ditë pas protokollimit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

**11. Shqyrtimi Propozim – vendimit për caktimin e lokacionit për ndërtimin e tregut të gjelbër për prodhime vendore në Vushtri;**

**Adnan Lahu, anëtar i kuvendit**-tha se edhe atëherë kur është votuar ky lokacion për vendosjen e tregut kishte tërhequr vërejtjen se ky lokacion ka qenë i gabuar, sepse i njëjti nuk i përmbush kushtet për shitësit që do të vendosen atje. Tani ky propozimi i ri tek paraku do të përkrahet nga grupi i tij politik duke shpresuar se i njëjti lokacion nuk do të ndërrohet në seancën e kuvendit. Lokacioni i caktuar në kohën e më hershme ka qenë i duhur por i njëjti është zhvendosur për arsye politike, por me qëllim të mos bllokimit të komunës ata do ta votojnë këtë propozim.

**Sylejman Mehollu, anëtar i kuvendit**-tha se qysh herët në mandatin e kaluar ka pasur premtime për këtë projektin ndërtimi i tregut si model i Tiranës, por ai asnjëherë nuk është realizuar, vetëm si e ndërrohej struktura e projektit. Dallimi i qeverisë aktuale është se ajo është vetëm duke i ndërruar lokacionet e këtij tregu herë një vend e në seancën tjetër në një vend tjetër. Ajo që është interes i përgjithshëm është që ky lokacion është të mbetet në vendi këtu tek taksitë në qendër të qytetit aty ku është marr vendimi që e ka përkrahur edhe grupi i tyre politikë dhe kërkoj që ky vendim të zbatohet. Në emër të grupit kërkoj që kjo pikë të shtyhet dhe të mbetet lokacioni aktual i caktuar.

**Mek Selaci, anëtar i kuvendit**-tha se nuk jemi të sigurt nëse shitësit që janë duke shitur këtu afër marketit viva fresh, që do të shkojnë në atë treg. Pastaj shtoi se lokacioni i propozuar tek stadiumi “Musa Abazi” është lokacioni i vetëm që i mbetur në qytet që komuna do të mund ta ndërtonte një çerdhe në të ardhmen. Në lokacionin e caktuar afër çerdes po flitet se do të kemi ndërtime të larta, dhe nëse kjo ndodhe është e dëmshme dhe e papranueshme.

**Ferit Idrizi, kryetar i komunës**-tha se komuna ka mungesë të hapësirave për lokacione për ndërtimin dhe ngritjen e aseteve për interes të përgjithshëm. Caktimi i lokacionit tek stadiumi është menduar se do të jetë adekuat, dhe për këtë është marr edhe mendimi i arkitektëve. Ajo që flitet për ndërtime të larta tek taksitë, nuk është aspak e vërtet dhe shtoj se nuk e ka ndërmend të merret për siç tha me “fjalët e kafeve të Vushtrrisë”. Lokacioni i caktuar për treg është caktuar në interes të përgjithshëm dhe mendojmë se është adekuat andaj ftoj qo i njëjti të përkrahet.

**Adnan Lahu, anëtar i kuvendit**-tha se lokacioni i propozuar për treg nga ana e qeverisë komunale nuk i plotëson kushtet, pasi bëhet fjalë për një sipërfaqe tepër të vogël.

**Pas shqyrtimit të kësaj pike të rendit, kuvendi pas votimit me 25 vota “për” 8 vota “kundër” vendosi me sa vijon:**

1. Me këtë vendim caktohet lokacioni për ndërtimin e tregut të gjelbër për prodhime vendore në Vushtri, në parcelat kadastrale: P-70202016-00504-0; 00505-0 dhe 00520-0, në sipërfaqe të shfrytëzueshme prej 2400 m<sup>2</sup>, Zona Kadastrale Vushtri, pronë e Komunës së Vushtrrisë.

2. Për zbatimin e këtij vendimi obligohen: Drejtoria për Urbanizëm dhe Mbrojtje të Mjedisit,

Drejtoria për Ekonomi, Bujqësi, Pylltari dhe Zhvillim Rural, Drejtoria për Shërbime Publike, si dhe Drejtoria për Gjeodezi, Kadastër dhe Pronë.

3. Pjesë përbërëse e këtij vendimi janë: certifikata e pronës dhe kopja e planit.
4. Me këtë vendim shfuqizohet Vendimi Nr.54/22 i datës 24.2.2022 për caktimin e lokacionit për ndërtimin e tregut të gjelbër për prodhime vendore në Vushtrri, si dhe vendimi i kuvendit të komunës për plotësimin dhe harmonizimin e vendimit për caktimin e lokacionit për ndërtim të tregut të gjelbër për prodhime vendore në Vushtrri me numër të protokollit Nr.01-80/22 i datës 31.03.2022.
5. Ky vendim hynë në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe shtatë (7) dite pas publikimit në faqen zyrtare të Komunës së Vushtrrisë.

**Pas shqyrtimit të kësaj pike të rendit, kuvendi pas votimit me vota “unanime” vendosi me sa vijon:**

1. Me këtë vendim formohet komisioni kuvendar për verifikimin e procesit të dhënies së pronës komunale në shfrytëzim, identifikimin e pronave që janë të uzurpuara, si dhe verifikimi i shfrytëzimit të parcelave private ku janë ndërtuar objektet ndërtimore- banesore -kolektive dhe objektet tjera në Komunën e Vushtrrisë, për periudhën kohore 1999-2022, në përbërjen si në vijim:
  - 1.1 Zojë Hajrizi, anëtare e kuvendit (PDK);
  - 1.2 Agron Përçuku, anëtar i kuvendit (LDK);
  - 1.3 Shkelzen Xhaferi, anëtar i kuvendit (LDK);
  - 1.4 Ymer Haradinaj, anëtar i kuvendit (LVV) dhe
  - 1.5 Bekim Zabërgja anëtar i kuvendit Nisma Socialdemokrate.
2. Komisioni i cekur në pikën 1 të këtij vendimi në takimin e parë, në përbërjen e tij duhet të zgjedhë kryesuesin e komisionit dhe procesmbajtësin, dhe pas verifikimit të këtij procesi duhet të hartojë raport me shkrim lidhur me të gjeturat në terren dhe të njëjtin duhet të t’ia adresojë Kuvendit të Komunës së Vushtrrisë.
3. Për zbatimin e këtij vendimi obligohet komisioni i cekur në pikën 1 të këtij vendimi.
4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

**Mbledhja përfundoi në ora: 14:40.**

**Bastri Duraku**

  
Procesmbajtës

**Melihate Basholli-Latifi**

  
  
Kryesuese e Kuvendit